

## Enformaziuns y Comunicaziuns



**Encuntada por i laûrs:** Desco encündé, messarál gní fat de maius laûrs pla cortina vedla. Düc i familiars dles porsones mortes y sopolides te cortina vedla é bel enviês a na encuntada, en lönesc ai 14 de merz ales 20:00, te salf dla Ploania. Enló gnarál dé dötes les enformaziuns y al sará ince la poscibilité da fá domandes.

**Oraziun:** I recordun la oraziun „10 minuc por la pêsc“, vigne jöbia ales 18:00 te dljia.

**Les Staziuns con Pissia:** En vëndres ai 18 de merz ales 18:00 él te dljia Les Staziuns por i mituns, olache al gnará ince fat la Pissia.

**Sesciun forestala:** La staziun dai verdabosc d'Al Plan lascia alessèi che la sesciun forestala é en dedölönesc ai 15 de merz ales 20:00, te Ciasa dles Uniuns ia La Pli. Por tó pert ôl ester le 2G - varis o vazinês. An mëss avèi le mascherot FFP2.

**Gara dla lösa:** La Lia dai Crëp Mareo enviëia dër bel ala gara dla lösa da Munt de Senes cina jön Senes, en domëgna ai 20 de merz ales 14:00. Al gnará fat categories por i scric ete ala Lia y ince döes categories por i ghesc. L'iscriziun é de 10,00€ a cé por i gragn y de 5,00€ a cé por mitans y mituns dla elementara y mesana. Les iscriziuns vën tutes sö cina en sabeda ai 19 de merz tal ofize turistic d'Al Plan al 0474 501037, o ince la domëgna söle post. Chi co fej la gara y se stonta da jí a pé, pó se lascé mené sö cole iat dla nëi (debann) ales 10:00 y ales 11:00, da Pederü demez.

**La Spona:** Le zënter sozial „La Spona“ ta Pederöa chir da atira en tislér, en operadú/na operadëssa sozioassistenzial/a (Sozialbetreuter) o en operadú/na operadëssa soziosanitar/a (Pflegehelfer/in). Por enformaziuns telefoné al 0471 843060 (danter les 8:00 y les 15:00) y damané dô Manuela Winkler.

## Impuls por les Letöres da encö



**1. Letöra (Gen. 15,5-12.17-18):** Vedli éσαι, Abraham y Sara; zonza mituns, zonza na patria. É pa döta söa crëta te Chël Bel Dio stada por nia? Le Signur alda sü dübi y söa plüra y al confermëia ciamó en iade so liam. **2. Letöra (Fil. 3, 17 - 4,1):** Tla lëtra ai filipêsc él Paul co enviëia da mëter averda ales porsones co se dij cristianes, mo ne vir empó nia dô le messaje de Gejú. La dërta fede mëss porté a na müdaziun sostanziala tla vita. **Vagnele:** Con la scena söla munt él l'evangelist co alza fora dër tler che Gejú é le dër Messia. Te Gejú á la comunité cristiana le su Maester a chël che ai dess ti jí dô. *(Tut da: Sonntagsblatt/Diozeja)*

**Impressum:** Ploania d'Al Plan, str. Catarina Lanz nr. 46, 39030 Al Plan de Mareo  
**Comunicaziuns - cina al dedemesaledema sëra - da mené a:** Pablo Palfrader  
Tel. 333 4762010 Mail: [ploaniaalplan@gmail.com](mailto:ploaniaalplan@gmail.com)  
Download plata: [www.unitepastorala.org](http://www.unitepastorala.org)




# Plata dla Ploania Al Plan de Mareo San Vigile

Ploan: Signor Klaus Sottsas  
E-Mail: [klsottsas@rolmail.net](mailto:klsottsas@rolmail.net)

Calogna Al Plan: 0474 501006  
Radio de Ploania: 93,00 MHz

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann C

13.03.2022 - Secunda Domëgna de Carsëma

nr. 16

## Ai odea Gejú t'en lominus raiont

### Dal Vagnele dô San Luca 9, 28b-36

Te chël tomp <sup>28b</sup>á Gejú tut Pire, Jan y Iaco sön na pert y é jü empara sön na munt a perié. <sup>29</sup>Y dertan ch'al periâ, s'á müde l'aspet de so müs, y so quant é gnü blanch lominus. <sup>30</sup>T'en iade baiâ dui ëi empara. Al ea Mosé y Elia; <sup>31</sup>ai ea aparis t'en lominus raiont y baiâ de söa fin, co dea s'ademplí a Ierusalem. <sup>32</sup>Pire y sü compagns ea gnüs coüs dla som, mo ai s'â endespré y odea Gejú t'en lominus raiont y i dui ëi co ea dlungia ël. <sup>33</sup>Canche chisc dui orea s'an jí demez da ël, ti á Pire dit a Gejú: Maester, al é bun ch'i sun atló. I orun fá sö trëi üces, öna por te, öna por Mosé y öna por Elia. Mo al ne sâ nia ci ch'al dijea. <sup>34</sup>Ciamó dertan ch'al baiâ, él gnü en nio y i á corí con söa ombria. Ai ea roês ete tal nio y se temea. <sup>35</sup>Y dal nio scraia na usc: Cösc é mio Fi prelité, ascutédele! <sup>36</sup>Mo dô che la usc â zodü, ea Gejú endô su. I discepui scutâ y ne ti cuntâ en chi dis a degügn ci ch'ai â odü.



**Parora dal Signur. - Lalt a te, Gejú Crist!**

## I meditun le Vagnele



- Gejú ti conzed a valgügn discepui da vire na esperionza straordinaria: al se stramüda y vën lominus raiont. Te chël momont se manifestëia te ël döta söa gloria y divinité.  
- Canche i stun con Gejú, ne podunse nia dormí, se mostré frac y pëgri, dejenteressês. Söa presonza é desco löm co scinca ligrëza y entusiasms zonza fin.  
- Gejú, i ô proé dé por dé da t'encunté tla oraziun, da roé ensciö plü dampró a to lominus.

## I periun ensciö



I oress ince iu gní sön chë munt con te, Gejú, y odëi chës cosses straordinares che i discepui á podü odëi. I oress sté enló con te por t'amiré te döta töa gloria, por mo lascé „emblagné“ da töa löm. I oress... mo i ne sciafi nia, i oress... mo i á tan d'ater da fá. Tan de vertores che i tolun ca gonot por nia se lascé tó ete da te, por romagner te nosta superfizialité. Tö mo chërdes y mo pïtes tan de ocajiuns da t'encunté. Te mo enviëies y mo lasces ince sontí la ligrëza de töa presonza. Te mo stas dlungia. Fá che i sidi desco en spidl tler, co refletëia en pü' de töa löm y la porta fora por i trus dal monn. *(Walter Cazzaniga, Parola Amica)*

Edema liturgica dai 13.03. ai 20.03.2022		
<b>DOM 13.</b>	<b>Secunda domëgna de Carsëma</b>	<i>ludith, Paulina, Leander</i>
08:30	<i>s.m. a La Pli</i>	
9:30	<b>corona</b>	
10:00	<b>gran mëssa por dōta la ploania</b> <i>offerta por la ploania</i>	<b>LAD</b>
	dal ann por +nta Loise Maneschg da Ciane dal ann por +nt Josef Pescoller, Joblere +nta Emma Maneschg – pūres Animes	
18:00	<b>Les Staziuns</b>	
<b>Lön 14.</b>	<i>Metilde, Gottfried K.</i>	
18:00	<i>s.m. dal ann Mima Ties da Râs</i> <i>+nc' Maria Ties Tamers y Carlo Tamers</i> <i>+nc' Clara y Isidor Oberbacher</i>	<b>DEU</b>
<b>Ded 15.</b>	<i>Klemens Maria Hofbauer, Loise, Zacharias</i>	
19:30	<b>corona</b>	
<b>Dem 16.</b>	<i>Heribert da Köln, Hilarius</i>	
18:00	<b>Les Staziuns</b>	
<b>Jöb 17.</b>	<i>Gertrud, Patrick</i>	
18:00	<b>10 minuc' por la pësc – oraziun deboriada</b>	
<b>Ven 18.</b>	<i>Ziril da Ierusalem, Eduard</i>	
07:30	<b>s.m. por i scolari</b>	<b>LAD</b>
	+nc' Bruno y Celeste della Gaspera - en onú de Sant' Antone y San Florian	
18:00	<b>Les Staziuns dai mituns con pissia por i mituns</b>	
<b>Sab 19.</b>	<b>GRAN FESTA DE SANT'OJEP OM DE SANTA MARIA, festa dai peri,</b>	
17:30	<b>corona</b>	
18:00	<b>s.m. prefestia</b>	<b>ITA</b>
	+nt Franz Kanetscheider +nc' Carlo, Anita y Marina Dragotto	
<b>DOM 20.</b>	<b>Terza domëgna de Carsëma</b>	<i>Wolfram, Irmgard, Claudia</i>
	<b>De dla solidarieté</b>	
08:30	<i>s.m. a La Pli</i>	
9:30	<b>corona</b>	
10:00	<b>gran mëssa por dōta la ploania</b> <i>offerta le por patronat ACLI KVV</i>	<b>LAD</b>
	+nt Obwegs Walter, Canester +ntes Erlacher Agnes y Marta, Cargá - Pūres Animes	
18:00	<b>Les Staziuns</b>	

„L'oraziun ne müda nia le monn, mo ara müda les porsones,  
y chères müda le monn“ (zit.)

### Sön tru de Carsëma

Jiné, perié, fá elemojines: program dla Carsëma, te dōtes les religiuns. Encö consëis de dieta ... mo gonot mancel l'oraziun y la ciarité.


- Jiné é le tru verscio le daete - co mo vara pa a me, sunse bun/a da renunzié, sunse sann/a?
- Perié é le scrai verscio l'alt - significat dla vita, da olá y olá ia. "Idio dess ester mio sciö, canche i präil!"
- Fá l'elemojina - nia ma (simbolicamenter) dé scioldi por na opera de bëgn. Mo plötosc jí a ciafé zacai, scrí na cherta, ti telefoné a valgügn, y e.e. Nes reconzilié daete, dal alt, a man dërta y man ciampa - som dla Carsëma. (P. Bernhard Frei OFM).

### Oraziun a Sant Ojep

Ojep: om de fede, pere plëgn de festidi por la familia, èl laurant, ascutadú dla Parora, con gran fidonza te Dio

Da te, Sant Ojep, gnunse te nüsc bojügn y periun do töa proteziun. Tö che t'ás fistidié por Santa Maria y so Fi, ciara ince de nos ch'i sun gnüs salvés da Gejú y da d'èl sorandés desco fis a töa fomena Maria.

Tinn töes mans sora vigne ciasa, stöa, fojina. Stravédesse dles envidies, dal sënn, dles calunies, dal malencontont, dla ciarestia de laur, dla fan, da revoluziuns y veres. Ensëgnesse umilté y pazionza, y dëidesse tal'ora de nosta mort. Amen



*In Elija und Moses begegnen Jesus auf dem Berg der Verklärung das Gesetz und die Propheten. Sie sprechen mit Jesus im Blick auf seinen Auftrag, auf seinen weiteren Lebensweg, auch auf Tod und Auferstehung. Sie geben den Staffstab weiter. In Jesus wird wahr, was Gott den Menschen im Alten Testament verheißten hat, ohne dass damit die Verheißungen für Israel aufgehoben wären. Staffübergabe heißt nicht Ablösung, sondern gemeinsam unterwegs zu sein mit einem gemeinsamen Ziel. Jetzt reicht er uns den Stab.*

## Zuspruch

AM SONNTAG

### Zweiter Fastensonntag C

Wie der stille See seinen dunklen Grund in der tiefen Quelle hat, so hat die Liebe eines Menschen ihren rätselhaften Grund in Gottes Licht.

Sören Kierkegaard

### Sorvisc dai Ministronc

**Lönesc 14/03 (18:00h), Vëndres 18/03 (07:30h):** Damian y Matthias Winkler;

**Dedemesaledema 16/03 (18:00h):** Diana y Matthias Deval, Melanie Feichter, David y Romina Palfrader;

**Vëndres 18/03 (18:00h), Domëgna 20/03 (18:00h):** Felix y Lena Feichter, Barbara y Sophie Rungger Kuprian, Alicia Angelica Weiss;

**Sabeda 19/03 (18:00h):** Michelle Agreiter, Amelie y Valentina Agreiter, Niki Fappani, Emma Mutschlechner, Andy Ploner, Anita Possamai, Angela Trebo;

**Domëgna 20/03 (10:00h):** Lea y Oliver Bonato, Roman Kaneider, Antonio Mauro

